

TI Consèi nù dla Uniun di Èi él sègn :

Tone Piccolruaz da Alfarèi, **Carlo Bernardi** da S.Linert, **Carlo Valentini** de Col d'Anví, **Igi Dapunt** da S.Linert y **Klaus Untersteiner** de Jonorèis. Bel giulan de ci che èi fej por nosta comunità.

Marcé en benefiziènz: chèsta domènia, ai 08.11.2015 festa de S. Linert, organisèia les èles dala troht indò n pice marcé dan Ciasa Runcher. Ci che vègn trat ite vá a families tla stènta.

La Uniun dles Èles invièia düttes ala tradizionala ciastagnada en vèndres, ai 20.11.2015 dales 19:00 tla Pizzeria S.Leonardo. Al é da se prenoté pro Renate al nr. 333/2701496.

L'Diozesaninstitut für den Unterhalt des Klerus (DIUK) præia ince chès ann de n contribut por mantegní nõsc proi. Vigni spènora, ince la plö picera, é de aiüt y pó gní trata jö dal davègn sotmetü ala cuta. Informaziuns plö avisa ciafèise te calonia o al nr. 0471/306300.

Prejantaziun "Calènder Ladin 2016" y CD de Jean Ruaz "Perde", sön iniziativa dl EPL, en vèndres, ai 13.11.2015, dales 20:00, tla Scora de musiga a Al Plan de Mareo. Entrada debann cun renfrèsch.

Info dal ambulatore dl dotur: ai vègn indó fat "spritzen" cuntra les coies: lünesc-mercui-jöbia dales 08:30 ales 09:30 tl ambulatore a Pedraces.

Conzert: la Uniun Musighes Val Badia invièia düc al conzert dla Musiga Val Badia sot al dirighent Gert Buitenhuis y cun usc dla solista Anita Obwegs en sabeda, ai 14.11.2015 dales 20:30 tla hala dl tennis a Corvara.

Domisdé cun jüc da mësa por dõta la familia: en mercui ai 11.11.2015, dales 15.00 – 17.00, te biblioteca a La Ila, Ciasa dla Cultura.

Udiènza dla defensuria zivica: en vèndres ai 13.11.2015 dales 14.30 – 16.00, a San Martin te Ciasa de Comun. Info: tel 0471/ 301155.



En domènia, ai 15.11.2015 complèsc **Zilia Costisella Daprè** d'Anví la bela eté de **91** agn y **Pire Miribung** da S.Linert **81** agn. L'Seniorclub y dütta la Comunità ti aoda düt l'bun, sanité y benediscion de Dî.



Usc dla Cüra BADIA

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 50	Edema: 08.11.– 15.11.2015
--------	---------------------------

Festa de San Linert - Patronn de nosta dljia

Vangele dla domènia che vègn - XXXIII Ann „B“

Mec.13,24-32

Te chël tèmپ ti á Gejú dit a sü discepu: En chi dis, do la gran tribulaziun, s'ascuraral sorèdl y la löna ne lominará nia plü; les stères tomará dal cil, y les forzes dl cil gnará scassades decà. Spo odaran le Fi dl Om gnón sön les niores cun gran potènza y gloria.

Y al ortiará fora i agnui y condejará adöm chi ch'al á prelité da dõtes cater les direziuns dl vènt, dal'estremité dla tera cina al'estremité dl cil. Imparede val' dal confront cun le lègn da figh! Pomanche sües rames vègn sostanzioses y fej fèia, savèise che l'isté é daimpró. Avisá insció des-ses os conèsce, canch'i odéis sozedon dõtes chèstes cosses, che la fin é dan porta. Amen, i ves diji: Chèsta generaziun ne passará nia cina che dõt chès ne sozed. Cil y tera passará, mo mies parores ne passará nia. Mo chël de y chë ora ne conèsce degügn, gnanca i agnui tl cil, y gnanca le Fi, mà le Pere.



Erntedank wird dann zu einem Fest der Menschen wenn aus den Worten des Dankes Taten der Liebe werden.

FUNZIUNS SACRES

08.11. XXXII.DOMÈNIA dl Ann B – De de rengraziàmènt dla racoiüda

FESTA de S. LINERT

- 09.00** Mëssa ciantada solena en onur de S.Linert
10.45 *Sfilada cun i ciavai y benedisciun*
18.00 †to Tone Pitscheider - aniversar
†ti Rosina y Franz Irsara - aniversar
†ta Gusta Pescollderung

10.11. Mertesc

- 14.00** *Mëssa cun l'Seniorenclub (te Ciasa Runcher)*
†ta Paola Valentin da Pransarores
ad intenziun
por les animes plö arbandonades

11.11. Mercui - *S.Martin*

- 08.00** *Mëssa cun i scolars en onur de S.Martin*
†to Enrico Dapunt
†ti Maria y Heinrich Irsara
†ti Paul y Tarina Irsara

12.11. Jöbia – *Mëssa cun i crejimá y studënc*

- 19.30** †ta Maria Anvidalfarei – aniversar
†to Franz Irsara de Jan - aniversar
†ti Paul, Tarina y Helga Valentin - aniversar

13.11. Vëndres

- 07.30** †ti Zilia y Otto Adang - aniversar
por fam. Paul y Maria Frenademetz
por fam. Paul y Rosina Nagler

14.11. Sabeda

- 16.00** S.Mëssa a Oies

15.11. XXXIII.DOMÈNIA dl Ann B – Domènia dla Caritas

- 10.00** Mëssa por la Comunité
15.00 Ora de adoraziun ● *oferta por la Caritas* ●
18.00 †ta Gerda Schulze Irsara - aniversar
†to Edi Adang y †ti Delueg
por fam. Erica Canins en renga S.Maria da Lourdes

Dala VITA dla CÛRA

Ince San Linert é nosc Protetur

Chësc ann pól garaté veramënter na bela festa, ince cun la sfilada y **benedisciun di ciavai**. San Linert é l'Sant di tiers, cis di ciavai, che é un di plö bi tiers da ciasa.

Mo bëgn ince nos jënt un debujëgn de benedisciun y aiüt dal Alt, porchël festejunse impröma na bela **Mëssa** te nosta bela dljia de San Linert a Badia, ince sciöche **rengraziàmènt por la racoiüda**. N bel de ince por chi che á **ligrëza y ciara di ciavai** düt l'ann.

L'oferta ala Caritas dla diozeja vá la proscima domènia, mo chësta sabeda é l'sté l'aziun dl quant. A duc n bel giulan !

Siur Degan

Festa de S.Martin: en mercui, ai 11.11.2015 recorda i scolars l'de de S.Martin cun la santa mëssa dales **08:00** y i pici dla scolina dales **10:00** te Ciasa Runcher. Düc é dër bel inviá.

Seniorenclub: al se abina en mertesc, ai 10.11.2015 dales 14:00 te Ciasa Runcher por la S.Mëssa y spo sarál ocajiun da sé lascé controlé la presciun y l'zücher dales infermieres. Dedò stan ciamó deboriada a na picera marëna. Düc é dër bel inviá.

Rorate: periun i rapresentanc dles uniuns y grups che arjigna ca les mësses di Rorate da gní te colonia por fá fora la data dejiderada, y insciö ince i cors y grups che se mët a disposiziun por cianté y soné.



La proscima preparaziun al Bato sará en sabeda, ai 14.11.2015 dales 15:00 a S.Ciascian te colonia. Chi che á na picera creatöra da batié é inviá a tó pert y a se anunzié al nr. 0471/849372.



Cursc de preparaziun al maridé 2015/16: al é bel sëgn da cialé te dljia o te colonia i jorantins cun i termins por chisc cursc. Ai vëgn tignìs a Lichtenburg, Lichtenstern y tla Cademia Cusanus. A Picolin sarál n cursc dai 1 ai 3 de aorí 2016 y infos cialëise al nr. 0474/523070 (Sorvisc ai Jogn).